

蠕范

蠕範卷七

京山李元撰

物偏第十三

犀象不地出虎豹不日見而一畝之宮蠅蟻百倍人
矣巨者寡細者眾氣之聚散有難易也人無眾無寡
無巨無細無難無易天地之中氣也
物生于偏氣也可蔽天氣不全受小可無覩氣不
全絕

陰盛生瘴陽盛生毒陰極則冰陽極則火而物生焉
飲冰食火負瘴含毒以是爲生而已矣

冰鼠磳鼠也居北方層冰下食草木毛長八尺肉

重千觔其尾可聚鼠禱可卻寒皮可蒙鼓

虎項不回顧犀足不伏起援手不捕鹿角不觸麋牙
不噬雞翼不飛雀足不行物不知其有餘也

麋麇也麇也銀獐也似鹿而小無角黃黑色膽白
而無魂性善怖怯飲水見影則焚老則牙見於外
謂之牙麋夏月毛琬皮厚常居澤冬月毛多皮薄
常居山忽聚忽散無定居性愛文章獵人舞宋則
注視而獲之大者謂之麇

蛇虺無足而行魚鼈無耳而聽蟬蚓無口而鳴龍蛟
無翼而飛物不知其不足也

雞無髓蛇無腹蟹無腸鳥無肺蠶無胃蚓無心麋無

魂魚無氣兔猴無脾蛤蜊無臟乳羊無血肉蝓無前
趾鵠無後趾馬蛭空中蛞蝓裸肉

乳羊出廣西英州食仙茅舉體化脂不復有血肉
食之宜人又印度國山羊頂生兩乳下垂亦名乳
羊又英州碧落洞羊飲鍾乳瀾水體白如乳亦名
乳羊又大食勿斯離國羊高三尺餘尾如扇春割
脂而縫之復合不取則脹死又饕羊別見乳羊之
屬也

馬蛭虬也蚊也馬蟻也馬蛟也馬蟻也馬鼈也馬
蟻也雷蟻也水痴也至掌也生水中如蚓蠕動如
血以物觸之則蹙縮圓轉若鞠良久引首鞠形漸

小復如蚓斷之寸寸得水復活或燒之成灰以碗覆之過宿復生雖經三年得水猶活其別稽曰草蛭木癡也在溪山草中形如鼻涕聞人氣閃閃而動著人脛股卽入肉中產育爲害大者可長尺許曰泥蛭牛駝也似水蛭而粗大紫黑色生泥中曰石蛭石上頭尖腰粗色赤

蛭蟪土蝸也附蝸也涎牛也涎游也涎魚也託胎也陵蠡也鼻涕蟲也生陰地沙石垣下形如小螺二角無殼而白能登蜈蚣首而陷其腦

魴無骨鯢無骨鱖無骨猾無骨蠶無骨蚰蜒無骨馬蛭無骨蚯蚓無骨牛魚無骨

魴丁香魚也白沫魚也梅雨時海水凝沫而成雪色無骨

鯀柔魚也似鰓而長無鰓蛸骨

鱖魚長尺無鱗柔骨似鯀

鼠無牙牛無齒虎無項兔無脣龍無耳蛇無足馬無膽羊無瞳猴無臀雞無腎犬無腸猪無筋不可肖也配十二辰者謂肖生貉不踰汶鸛鵒不踰濟

附貓不過金山牛不過嘉興畫眉不過平望橋鱖魚不過鴨欄驛

人不見風魚不見水龍不見石鬼不見地處而化也

冰蠶不知寒火鼠不知熱蓼蟲不知苦螂蛆不知臭
習而化也

旄牛護其尾草鉤不行孔雀護其羽雨降不飛鱗魚
護其鱗胃網不動往往以是殺身拙而無謀也

旄牛犛也犛也狀似水牛體長多力髀膝背尾胡
下皆有黑毛長尺許尾大如斗常自愛護草木鉤
之卽止不動迅走如飛亦能載西南人多畜之

鱗鯨也鰭也鰭魴也三鰭也箭魚也瘟魚也似鰻
而大板身扁首燕尾青脊白鱗哆口體長而圓肉
中多細刺如箭鰭腹下有三角味美在鱗鱗如甲
肪在甲中初夏應時而出故名性好浮游魚人以

絲網沈水數寸取之一絲呈鱗卽不復動纔出水卽死其鱗以石灰水浸過晒乾層起可作花鈿其腰環紅鱗一帶者名魚皐隸漁人得者其年捕鱗必多

蚺護膽而見瘡鰂蔽身而吐墨麝避人而糞麝避虎而鳴往往以是殺身好謀而拙也

蚺髯蛇也巴蛇也南蛇也理頭也徑尺長丈尾圓無鱗甲有毛如髯斑文如暗錦行常俯首其膽隨月上旬近頭中旬近心下旬近尾取還復生牙長五六寸土人採葛藤塞戶蚺蜈則靡乃發穴取之或滿頭簪花蚺卽注視不動投以婦人衣呼紅娘

子則伏隨人拽而取其膽仍以線合瘡而縱之其
後遇捕則自見金瘡以示無膽長十丈者能吞虎
豹鹿豕性好食鹿吞鹿則瘦鹿化則肥歲吞一鹿
以爲常尾鈎得鹿以毒氣呵衝角自解脫鹿骨在
腹繞樹三匝則骨穿皮而出或云在樹上伺鹿過
垂首繞之有頃鹿死濡鹿身令溼便舉口吞之骨
角鑽皮而出其性最淫好逐婦女而蟠身交媾以
舌入婦女口中吐精滿腹服藥始解月久則產小
蛇捕者取婦女弊褲投其首卽俯仰頓撼甚樂俟
其倦悶斃之或釘羅樁數行颺裙褲召之蚶昂首
逐入樁蜿蜒不便乃棍擊之俟其俯首以葛藤繫

頸牽之每擊有一泡死而血凝則護身膽也

鰓烏賊也墨魚也黑魚也纜魚也花枝也算袋也
河伯從事也海君白事小吏也狀如算袋白質黑
章無鱗而鬚長如帶遇風則以鬚釘石如纜遠岸
糾前一鬚爲矴近岸黏前一鬚爲纜腹下八足聚
生口旁縮喙在腹下懷板含墨見人輒噴墨方數
尺以自蔽若小蝦魚過其前則吐墨以惹之墨卽
其涎也然血與膽亦黑如墨江東人取其墨書契
給人財物迹如淡墨逾年自消只白紙耳背正一
骨厚三四分形如樗蒲而長色曰輕脆如通草性
嗜烏見烏則自浮水上候烏來喙卷取食之過小

滿則形轉小或言烏鵲所化或言秦王算袋所化
或言胥吏墮海招文袋所化垂白袋宛然

羈樊籠者其能招之鸚鵡鸚鵡能言猿能舞雉能文
象能乘蟋蟀能鬪困羅網者其貪招之禽貪罔魚貪
餌麋貪彩麋貪音獅貪毬

麋澤鹿也似鹿而大青黑色肉蹄目下有二竅能
夜視大寒解角無兩月之久角長重二十餘觔堅
如石性迷惑故其迹纏而不解好音聲獵人歌咏
而誘之千百爲羣食澤草踐處成泥謂之麋豷多
牝少牡一牡常交數十牝交畢輒死其脂墮地經
年得之名曰道脂酒服益人

貊鼻遇雨則倒懸麕角防患則倒懸鵲啼苦則倒懸
蝸牛日中則倒懸么鳳夜棲則倒懸蝙蝠頭重則倒
懸

豺狻也雌也猶也似獐而小蒼黃色鼻端向上尾
長四五尺其端有岐雨則自懸樹以尾塞鼻孔或
以兩指塞之性好疑見人則登樹上下不一甚至
奔觸破頭折頸故世稱猶豫

么鳳倒挂也收香也探花使也遍體綠毛腹背之
毳雜五色注距皆赤狀如鸚鵡臆尾兩翼雄者有
紅色雌者無之往極馴好集美人釵上宴客終席
不去常以十二月來晝聞焚香則收翼閒夜則一

爪倒挂以放香

鰓殼附石鰓鬚附石礪房附石石蠹之繭附石海膽之粟附石

鰓鮑魚也石鮭也石華也石決明也九孔螺也千里光也佛羊蛸也將軍帽也似蚌而扁似蟹而紫附石有囊如腕上五指外皮甚粗內色光耀背側一行有細孔雜雜或七或九或十二如穿成者或曰其孔一年一生十二年則十二孔生石崖上海人乘不意以之否則粘石雖斧鑿難脫其附石別種曰石蠅紫蛭也紫薺也石鮭也龜甲也龜腳也仙人掌也生海中石上狀似龜足正黑有甲有足

有翼其子如粟春夏得雨生苗如海藻有花長八九寸曰蠟老蟬耳也附石殼如鹿蹠殼上肉下大者如雀卵曰石帆紫黑色生海上石穴中

石蠹石蠶也沙蟲也石下新也附水中石作絲繭如釵股長寸許春夏化蛾飛水上其別種曰石蠶似草根黑色細小有角節曰雲師似蠶有毛如兔生石上曰雨師雨虎也如蠶長七八寸雲雨則出生石上曰九香蟲黑兜也狀如水龜大不過指青黑色冬伏石上曰抱石魚背腹平大如指常帖石上曰石伏常伏溪底石上

海膽石榼也似蚌而殼圓有粟粒附石生互相聯

綴取一帶十若觸破其一則皆粘石不可動雖椎破弗脫也肉色黃有四瓣

獅子乳善漏而盛於玻璃石駝溺善浸而盛於葫蘆
弔蛇膏善走而盛於卵殼獬豸膏善透而盛於骨器
弔蛇矛蛇也予蛇也吉弔也倮鱗也蛇頭龜身龍
卵所化多與鹿游遺溺水邊著枯槎則凝如糖糍
色微青黃或灰謂之紫梢花

陵鯉之血浸隄則漏築隄則補躒步之卵附石則軟
離石則堅海螺之甲合燒則香獨燒則臭

鯪石鯪也陵鯉也龍鯉也穿山甲也似鼉而短小
鯉背鼠首巨鱗黑色長舌尖喙尾與身等尾尖有

三角四足拱立如馬人履其背不少蹣伏居穴中其甲能穿穴能陸能水或蟄之少頃卽穿石入地丈餘此物穴山透石如履平地也日中出岸張鱗甲以死狀誘蟻入甲卽閉而入水甲開蟻浮因啖而食之其血浸隄隄漏又可補漏

蝎鈎螫人蜂蠆螫人魮鬣螫人蚩蟲之喙螫人蝥魴之尾螫人鱧鯢之刺螫人

魮吐魮也渡夫也吐附也杜父也吐哺也土部也鱸鱧也黃魮也伏念也舡舡也主簿魚也似魴而黃黑有斑似吹沙而短闊口大頭岐尾脊背上鬣刺螫人見人則以喙插泥中

豉含氣射人蛛出溺射人蟻含沙射人貍激鬣射人
鶴啣矢射人獺擲石投人

豉豉母也狀似水黽大如豆黑色浮游水上常含
氣射影而使人病然人被射工毒瘡者用此蟲一
枚含口中卽能言矣

獺舉父也似猴黃黑色多髯好奮頭舉石擲人
物候第十四

乾爲馬坤爲牛震爲龍兌爲羊艮爲狗巽爲雞坎爲
猪離爲雉

甲乙龍丙丁雀戊句陳己螣蛇庚辛虎壬癸龜蛇
子鼠丑牛寅虎卯兔辰龍巳蛇午馬未羊申猴酉雞